


安塞縣志

第一冊



民國三年春日集

安塞縣志

安塞公署印

第

一

冊

首卷 序文 凡例 纂修職名 總目

壹卷 地理志
星野 氣候 沿革 圖表 疆域
形勝 山川 古蹟 塚墓 水利

貳卷 建置志
城池 祠祀 公署 關梁
倉儲 學校

叁卷 秩官志
知縣 典史 教諭 外委 知事 科員
管獄員 警察長 農會長 校長 名宦

重修安塞縣志序

安塞古爲白翟地秦漢以來置高奴縣沿及隋唐五代皆爲金明縣宋置安塞堡元初改升爲縣歷代皆無邑乘前清順治十八年縣尹李障始創修縣志凡十卷同治六年回匪搆亂地方被擾志書原板被燬欲搜求一二藏本於民間亦渺不可得官斯土者往往因地瘠民貧籌款維艱無力纂輯故歷二十餘任並未有起而續之者知事安君蒞任三載勤政愛民公暇商諸邑紳重修邑乘條分縷晰義例頗精自秦漢以迄於今其間政治之沿革風俗之轉移莫不備載於斯值茲經濟困難百廢待舉之秋獨能留心掌故徵文考獻俾復舊觀斯亦勤政愛民之一端矣余喜安君之能修舉墜遺且深知治要爲撮其續纂大指弁諸簡端蓋欲使後之宰斯土者知是邑也在前代爲邊徼要區在今日爲塞北關鍵則必關心民瘼培養元氣俾邊邑黎庶皆得遂其休養生息歡欣鼓舞之至願而觀風者亦得有所抉擇焉是則余之所厚望也夫

中華民國三年二月護理陝西民政長宋聯奎撰

重修安塞縣志序

邑之有志也一邑之掌故存焉屬辭比事既足供研考之資援古證今卽以定率由之準要惟有鴻博淵雅之儒爲能修殘補墜俾典物不至於淪亡善哉知此旨者其惟安塞令安君乎民國二年壬子夏余恭承

簡命出使陝北見夫地連邊界風氣閉塞心竊憂之且時值反正之後典策蕩然案卷諸多散佚方與二三寮屬摩劃搜討適安令慶豐以邑志告成繕列目錄請序於余披閱原文都爲一十二卷綱列一十有二目分九十有四發凡起例精嚴完備惟舊志叛自前清國初同治年獮匪搆亂舊板被燬

安塞縣志

卷之首 序

二

民間藏本亦隨劫火以俱燼而渺不可得於此欲採掇而重修之洵非易易安君身任地方值此紀綱凌替百廢待修之餘乃他務之未遑而亟亟焉惟此是謀者豈無故哉昔高祖入關諸將皆爭取子女玉帛惟蕭何先收內府圖書祕籍後漢張蒼亦上郡國計書非以爲山川險異之區物產盈虛之數在於是歟卽先賢顧林亭先生博極羣言志存經世而生平著述惟天下郡國利病書蒐採宏富有心世道者輒資覽焉然則邑志者夫非政書之一端安君之所以不辭勞瘁搜羅而編集之不出百日衰然成帙其意固大有在也

雲松不

才願綴數語書之簡端以爲他日措治之嚆矢云爾安君其

勉之民國三年二月特獎四等嘉禾章陝西北道觀察使長
安崔雲松序於榆陽公署

安塞縣志



卷之首

序

三

重修安塞縣志序

粵稽安塞古爲用武之地秦漢以來屢被兵燹自元昊跳梁於宋西虜犯邊於明而生民之愁苦極矣至清同治丁卯獯鬻土匪相繼蹂躪加以連年大稜村落爲墟蕩析流離生命益蹙今幸共和告成五族一家邊徼人民喁喁望治聖不敏承乏是邑當破壞已極之後作無米爲炊之婦瘡痍滿目哀鴻遍野方期撫綏地方培養元氣跼蹐圖治心力交瘁語及邑中掌故未遑計焉癸丑歲稔四境寧謐一切建設略有端倪迺與公署各科員談及縣志僉云板燬於賊書亦散軼卽欲搜求斷簡殘篇補綴而續纂之亦終無可得適科長郭鶴

安塞縣志

卷之首 序

四

軒以手錄鄉土志見示觀其敘述詳明考證精確洵可爲縣志之嚆矢爰集衆紳籌議設局採訪以編纂屬郭海谷先生更延郭鶴軒郭明五兩昆玉分任其事聖亦不辭譴陋於公餘之暇略加勘訂都爲一十二卷閱三月而書成舉凡天時人事之遞嬗疆域形勢之沿革賦役倉儲之增損吏治學校之得失推而至於忠孝節烈名宦碩儒其嘉言懿行足以垂金石而銘鐘鼎者莫不備載於斯雖博採旁求固已纖微必錄而年湮代遠難免挂漏詒譏後之宰斯土者倘能繼吾志面續修之則區區邑乘燦然大備是更聖所馨香叩禱以祝者也是爲序

中華民國三年桃月署理安塞縣知事安慶豐謹撰

安塞縣志



卷之首 序

重修安塞縣志序

縣之有志猶國之有史史總其合志載其分故輯九有之方物而禹貢成採十五國之風謠而詩體備卽遷固陳范諸人罔不博搜遠覽以備一代之觀使郡縣不貢其掌故亦烏能集衆狐而成裘匯細流而成川哉况乎昔型藉以昭宣今人視爲觀法縣而無志猶瞽者之無相俛俛乎其何之哉吾邑地處西秦以西勢當北山之北迄清末造腐敗已達極點人文交困筆楮何堪罄狀清自束髮就傅以來每以不得展邑乘爲憾事今閱府志見前志類內載安塞志書燬於明至清順治十八年邑尊李公暉命先祖賜進士第指南公編輯縣

安塞縣志

卷之首 序

一

志書成行世班班可考嗣經同治六年又燬於兵而原板藏本遂渺不得聞問今幸大邑侯安熙軒先生熱心桑梓關懷文獻迺命清等旁采博訪重修縣志清聞命之下不覺汗流浹背竊思茲事大體重委以襍綫短材何堪肩斯鉅任遂不揣綿薄謏陋卽同余子超羣輩夙夜蒐羅風雨探討勉副我熙翁先生徵文考獻之至意也無如黃耆戕於鋒鏑旋逐颺塵爲燐火則咨詠難故府遺編感歸烈焰大家祕笈旋逐颺塵則蒐討難以至組綬靈依於華表鉛朱魂繞於彤編幽原旣滯其英魂暴骨弗鐫乎姓氏則紀載更難爾迺走荒原而詢遺獻撥苔蘚而搜斷碑凡古今吏治之得失風俗人物之盛

衰忠孝節義之芳躅名卿碩士之遺跡以及秀岩靈祕之蹟
元亭西室之藏罔不殫心研究補殘缺訂訛謬先錄舊聞後
錄新編浹三月而帙粗就然或古今難以膠柱聞見各持堅
白號曰信史怒焉懼之畢漏遺譏才媿班馬烏焉傳訛技止
雕蟲回思往哲遙隔數百年念昔先人遞嬗七八年世其中
交替不乏名人並未聞有起而修之以繼李志之後者有之
自我

先生始嗚呼我

先生以破壞之後來撫斯邦未及兩稔百廢俱興又汲汲以
此爲前提雖與李公有同志其實較李公惟爲難何則經濟

安塞縣志

卷之首 序

二

窮艱人才缺乏清忝末學歡迎斯舉何敢望與先祖並壽邑
乘乎謹將編纂原委泚筆而紀之於後夫分願無義敘次無
倫著述家所弗取此志原本史裁折衷諸說綱分一十有二
目列九十又四首志地理言天必先於地也繼天出治度地
居民必先封疆畫野故次之以建置建置定而疆域分於是
封山濬川築城鑿池治事之公署立焉險阨之關梁設焉以
及倉儲學校各門皆建置中所有事也立國以治民設官以
治事封建在先郡縣在後故秩官次之有土斯有財咸則三
壤所以成賦尊賢彰有德寵以九錫所以示榮故選舉田賦
又次之衣食足而後禮義興禮義興而後風俗淳邑中之善

士出焉閩內之淑媛生焉故風俗之後次以鄉賢列女人傑固由地靈物華斯乃天寶爾雅號博物之篇晉乘具魯史之例故受之以物產又受之以紀事古今名山石室之藏人雖往而言不朽也歷代治亂得失之林事雖遠而功可溯也其餘瑣金屑玉吉光片羽爲諸類所不及志者亦俱收而無遺故藝文之後又受之以拾遺以此思之未審有補於後進見笑於大方也否邑人郭永清謹跋

時在中華民國叁年二月上澣之吉

安塞縣志

卷之首 序

三

安塞縣志卷首

凡例

一安塞置自秦漢沿於隋唐原秦上郡屬地境極遼闊至宋置安塞堡屬綏德軍始有安塞之名元升爲縣明及清因之皆屬延安府舊志毀於明清順治十八年知縣李暉同邑人郭指南等續修又經同治丁卯之亂板片無存案卷無稽事多就湮採集之際頗費周章茲遠引旁搜力求詳備而缺略仍多後之有志者聊以是爲粉本也

一茲志原本史裁折衷諸說今擬大綱一十有二分統子

安塞縣志

卷之首 凡例

目九十又四非以自異亦期以類相從眉目分明耳

一安塞地近西北匈奴契丹西夏代有邊戎侵奪建置名目極多而興廢不常且有命名而未經建置卽更易者代遠年湮莫詳所在今附見於沿革內不另列故城以滋疑竇

一地理諸書或以圖說或以表見今照方志體裁雙方並舉則上下千載廣袤百里歷歷如在目前

一關梁一門專載古今堡砦之要害也其餘不足憑恃者概不登錄

一城池專指治城興廢而言其故城遺址均列古蹟類下

以作紀念

一壇廟爲民社所關乃建置之宜先者故城堡之後卽列壇廟並附寺觀仍仿通志之例列之祠祀雖民國破除迷信茲姑錄之亦有其舉之莫敢廢焉之意也

一田賦學校倉儲各事俱指現在而言其歷任職官之遺漏以及鄉賢列女之簡略者或考之古碑殘碣或抄自通志府志並未敢臆斷以傳疑

一風俗物產只錄本土之所宜以及地方之習慣方合方志之體今卽四民五禮歲時方言各雜事概收無遺實言無隱雖近鄙俚所不避也

安塞縣志

卷之首 凡例

二

一志與史異故誌美不書惡非若史之有褒有貶也然惟職官選舉志則然耳至歷代軍務之得失古今寇賊之擾害自當據事直書以存其實與史家直筆仍無殊也

一藝文只錄有裨於地方政治風化者非必皆著作名手以期將來於邑中掌故有所稽考耳

一各類中有因時起例與通體微異者卽於本類下注明或有考究異同訂證舛錯之處俱於本條下加按字以別之

安塞縣重修縣志職員姓名

監修

署理安塞縣知事綏德安慶豐

熙軒

總纂

縣農會正長邑人郭永清

海谷

分纂

縣署第一科科长邑人郭超羣

鶴軒

縣署第二科科长員邑人郭超倫

明五

校閱

縣署第一科科員李樹濱

茂齋

安塞縣志

卷之首 職員姓名

三

縣署一等雇員張金鏞

笙甫

校刊

前靖邊縣公署科員現充本署會計員安志清

靜亭

縣署一等雇員張樹基

德臣

繪圖

縣署技士邑人郭明五

德菴

採訪

縣農會調查員郭超凡

空古

北區紳士郭如嵩

峻天

西區紳士李林榮

華甫

南

區

紳

士封定國

一卿

繕錄

縣

署

一

等

雇

員車正行

縣

署

二

等

雇

員吳鴻基

縣

署

二

等

雇

員史名臣

縣

署

二

等

雇

員郭宗泰

縣

署

二

等

雇

員彭繼祖

縣

署

額

外

雇

員拓桂芬

縣

署

額

外

雇

員劉祖堯

安塞縣志

卷之首

職員姓名

四

安塞縣志目錄

卷首

凡例 序文 纂修職名 總目

卷一地理志 目十

星野 氣候 沿革 圖表 疆域 形勝 山川
古蹟 塚墓 水利

卷二建置志 目六

城池 祠祀 公署 關梁 倉儲 學校

卷三秩官志 目十一

知縣 典史 教諭 外委 知事 科員 管獄員

安塞縣志

卷之首 目錄

五

警察長 農會長 校長 名宦

卷四選舉志 目八

諸科 進士 舉人 貢生 武舉 將材 封廕
人瑞

卷五田賦志 目十一

丁糧 戶口 稅課 薪俸 公費 鹽法 驛站
塘汎 民團 警兵 蠲緩

卷六風俗志 目五

習尚 時令 禮儀 諺語 方言

卷七鄉賢志 目四

廉能 勇略 忠烈 孝義

卷八烈女志 目二

節孝 貞烈

卷九物產志 目十二

穀屬 果屬 蔬屬 藥屬 花屬 草屬 木屬
貨屬 禽屬 獸屬 鱗介 昆蟲

卷十紀事志 目二

歷代事蹟 歷代祥異

卷十一藝文志 目二十

詔 疏 傳 記 序 祭文 誌 銘 箴 頌

安塞縣志

卷之首 目錄

六一

贊 表 書 啓 示 令 詩 詞 歌 賦 稟 呈
議 說

卷十二拾遺志 目四

名人遺集 金石美術 前朝舊志 跋後

